

"Бейбіт жиналыстарды ұйымдастыру және өткізу туралы" Амангелді аудандық мәслихатының 2020 жылғы 21 қыркүйектегі № 401 шешіміне өзгерістер енгізу туралы

Қостанай облысы Амангелді ауданы мәслихатының 2024 жылғы 17 маусымдағы № 95 шешімі. Қостанай облысының Әділет департаментінде 2024 жылғы 24 маусымда № 10233-10 болып тіркелді

Амангелді аудандық мәслихаты ШЕШІМ ҚАБЫЛДАДЫ:

1. Амангелді аудандық мәслихатының "Бейбіт жиналыстарды ұйымдастыру және өткізу туралы" 2020 жылғы 21 қыркүйектегі № 401 (нормативтік құқықтық актілерді мемлекеттік тіркеу тізілімінде № 9465 болып тіркелген) шешіміне мынадай өзгерістер енгізілсін:

көрсетілген шешімнің 1-қосымшасында "Жиналыстарды, митингілерді және пикеттерді ұйымдастыру және өткізу үшін арнайы орын" деген жол жаңа редакцияда жазылсын:

"Бейбіт жиналыстарды ұйымдастыруға және өткізуге арналған мамандандырылған орындар";

көрсетілген шешімнің 2-қосымшасының 18-тармағы жаңа редакцияда жазылсын:

"18. Пикеттеуді жүзеге асыратын адамдар арасындағы ең аз рұқсат етілген қашықтық кемінде 100 метрді құрайды.";

көрсетілген шешімнің 2-қосымшасының 20-тармағы жаңа редакцияда жазылсын:

"20. Мынадай объектілердің іргелес аумақтарының шекараларынан 800 метр қашықтықта пикет өткізуге жол берілмейді:

1) жаппай жерлеу орындары;

2) теміржол, су, әуе және автомобиль көлігі объектілері және оларға іргелес аумақтар;

3) ауданның қорғаныс қабілетін, қауіпсіздігін және халықтың тыныс-тіршілігін қамтамасыз ететін ұйымдарға іргелес аумақтар;

4) пайдалану қауіпсіздік техникасының арнайы қағидаларын сақтауды талап ететін қауіпті өндірістік объектілерге және өзге де объектілерге іргелес аумақтар;

5) магистральдық темір жол желілері, магистральдық құбырлар, ұлттық электр желісі, магистральдық байланыс желілері және оларға іргелес аумақтар.".

2. Осы шешім ресми жарияланған күннен кейін күнтізбелік он күн өткен соң қолданысқа енгізіледі

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК